

海城縣志

卷三十四

楊鴻儀 字孟翹城西南大咸王寨人性孝友謙藹有大度少從季父惠峰觀察於院習吏治由府經歷歷永定河功保陞知縣光緒二十九年署直隸靜海縣該處民敦相仇由來已久鴻儀還馴謹教民充董事使約束教徒自是遂安邑爲南北要衝盜匪出沒鴻儀捐廉設巡警伏義肅清旋調省檄赴正定深州冀州各處勸募民兵事屬創舉民多畏避鴻儀咸以誠懇應募者萬餘人三十一年署武強縣捐廉設師範傳習所擴充小學百餘處學務遂爲鄰封冠次年調饒陽縣淳沱河屢爲縣惠鴻儀令兩岸密植楊柳以防冲刷又捐廉於張家口險處修築長堤從此水不泛溢下游各州縣均藉以免患宣統元年實授大名縣抵任未久丁母憂歸總計歷官四縣捐俸濟公至萬餘金民多受其賜任饒陽日久瀕行縣民共造一車挽送至百里外始揮淚而別回籍值本縣議會成立被舉爲議長在鄉義舉尤多庚子出巨款辦團練乙未歲捐三百金創立學校經趙茨珊制軍獎給嘉惠梓桑匾額年五十四卒於家

孫奉先 字廣臣世居城北驗軍堡後移至城南箭樓子高祖昭翰林院編修官湖北知縣祖疆拔貢生奉先少承家學以左翼官學漢教習授知縣分發陝西光緒三十一年署洛川縣宣統元年調清澗縣三年八月交卸回省行至甘泉縣遇扶漢軍被劫執官商力保得免洛川紳民間其罹難迎至縣城住年餘歸時因東路不靖繞道清澗縣紳民又迎至縣城款留十餘日始行奉先性廉介在官七年不妄取一錢抵里依然寒素數椽茅屋抱膝長吟晏如也年六十七卒

吳樹棠 字化南牛莊西關人由優貢報捐知縣分發河南授蕭縣曾經結一奇案先是鄰邑新鄉有某新婦于歸

未逾旬偕夫赴母家一飯即歸抵家夫是卒家控婦謀殺官緝數任案未結上憲檄鄰封會審樹棠鞠得新婦與夫和並女貌淑善不類殺人者親至婦母家查驗無佐証因見厨室穢濁遂將屋折毀得蛇數條知食物觸毒誤食之也疑案始解深蒙上憲嘉獎未幾卒於官

王惟康 字止元邑西牛莊人光緒某科舉於鄉由京師水會局保以知縣用光緒末變法停科舉立學校惟康附貢李心曾等籌捐創設牛莊兩等小學堂一處宣統元年由部遷授甘肅會寧縣知縣在任二年有政聲鼎革後繞道回籍卒於家

王玉泉 字瀟溪邑北騰蛟堡人爲孝子王傑之孫天資英敏學識淵深爲文峭拔有骨力業師于致遠先生深器之年二十三入邑庠光緒乙酉科舉於鄉設帳講學門下多知名士甲午亂後騰蛟金融紊亂公議合及各商號所出錢帖達數百萬緡經濟恐慌商民交困玉泉請於縣尹勒限收回騰街錢法由是整理拳匪之亂盜賊蜂起地方糜爛玉泉創辦團練修築圍牆隊伍編成未經訓練匪衆五百餘人來攻鎮街玉泉躬冒矢石督衆堅守斃賊數十閭鎮賴以安全光緒三十二年籌備自治設立鄉會所玉泉任城北第三鄉鄉正一年內解民事訴訟數百起翫設高初兩等小學堂各一處並整頓鄉團抽丁購械易軍服改洋操軍容整肅爲全縣之模範東督趙爾巽派委員查驗嘉其成績獎給各練長功牌並通信各縣仿辦奉省鄉防編成部伍自玉泉始光緒末奉天自治養成會成立玉泉入會研究畢業歷充奉天自治調查員自治局顧問宣統元年奉天諮議局成立玉泉被選爲議員翌歲復由諮議局互選爲北京資政院議員是冬漢軍起東省岌岌可危東督趙爾巽知玉泉能委署寧遠州知州明年調義州

所至有聲士民愛戴諱以親老多病辭職瀕行父老走相送泣曰如公廉明三十年前曾有一人與公同姓今公去布衣宰官難再見矣玉泉性儉樸身不衣帛在任年餘僅購氈履一雙紙筆外不置他物冬日嚴寒居室不設火爐視水爲之結冰其清儉爲人所難能至今父老猶稱頌之玉泉抵家十七日而父逝世澤以未能事父爲憾既葬猶朝夕哭泣思慕不已哀毀成疾後年餘而歿年五十九地方紳耆以玉泉純孝可風援例呈請褒揚蒙大總統頒賜光耀門閭匾額生前事蹟宣付史館立傳並准入祀孝子祠

張德春 字華亭邑西河沙河沿人後徙居開沙河沿咸豐辛酉科舉人戊辰赴禮闈於路得腿疾歸後遂淡於進取設帳授徒以自給並嫻醫術著手者刀圭立效活人甚多德春敦品行礪廉隅終身以出入官署爲戒人不私鄉里重其咸傾慕之晚歲手足不仁臥床十載子松生婦于氏服事惟謹從容頤養躋壽考年七十六卒

張德慎 字退菴號樂天邑西沙河沿人舉人德春弟也天資英敏才氣過人遇事不拘小節同治丁卯科舉於鄉大挑一等以知縣用籤掣山西洪洞縣因事未往改就教職歷署錦州府學教授海城鐵嶺等縣學訓導嗣補黑龍江呼蘭縣學官兼管巴彥綏化兩縣學務邊地草昧初啓文教未興德慎在任十年凡有闢文化風俗諸事無不力爲整頓如設書院置學田增學額恤寒賤以及釐定婚喪禮儀抑制豪強僭越皆噴噴人口瀕行士子贈衣傘等物悉却之曰爾等宜守臥碑訓何浮文爲歸里後適拳匪亂作伏莽四起德慎與舉人孫德彬等請准編練大團在大二台子村設立團防局由是盜賊斂跡民賴以安年七十八卒平生著作甚多亂後遺稿散佚子榮綬字錦堂業儒曲泳長 字漢槎邑南曲八里河人歲貢生候選教職性爽直勇於任事同光之際地方不靖泳長聯合八屯倡辦團

練閭閻賴以安謐光緒十九年泳長充他山書院紳董徐大令鉞重修文廟委泳長督工數月歲事工堅料實款不虛糜大南門外低窪泥濘行人不便泳長購石鋪平並在沙河北堰開通溝渠城垣傾圯處亦一律修整所有工料各費皆泳長一人勸募熱心公益勞怨不辭歷任長官皆倚重之又歷充師範學堂學監本鄉鄉正及自治會鄉董孫鴻年官直隸州知州爲請二品封典宣統三年因水災助賑給二等獎章民國八年復蒙大總統頒賜至性過人匾額年八十五卒

曲泳勝 字杜坡泳長弟咸豐九年與兄泳長同時入泮同治辛酉拔貢朝考授教職任天津慶雲縣教諭敦化勸學文風丕振以監修城垣叙功俾陞知縣尋丁艱回籍服闋調署吉林賓州教授又歷充琿春防軍營務處總理老少溝交涉局總辦卒於差次年五十八

宋儒 字通三邑西小溝沿人性嚴正學品俱優由廩生考盛京右翼官學漢教習教授期滿授黑龍江巴彥州教諭在任數年文教大興士子咸稱頌之

唐相吉 字藹亭邑南水涯屯人由附生考盛京右翼官學漢教習三年期滿任錦州教諭告歸後娛情山水尤耽吟詠著有怪石山房小草未付梓而卒原稿散佚

張瑤階 字衡三邑東石頭堡人束髮受書天資穎異弱冠後補博士弟子員尋食廩餼貢明經設帳講學有年晚歲署錦縣教諭

路立權 字允平城內人性蘊藉工書翰行草尤精爲一時冠得者皆什襲珍藏視爲墨寶以歲貢生候選教職光緒

末署昌圖府教授民國初年任西安縣稅捐局長晚歲家居日以吟詩作字自娛年六十三卒

王乃香 字孟蘭城內人品純正重廉隅少貧力學潛心經史爲文多包孕有沈確氣未弱冠名已噪爲邑令所賞拔月試他山書院恆不作第二人嗣以府案首入泮未幾食餼時士子冒籍者陰以多金賂廩保乃香惡其污痛絕之其生平之不苟取已可概見設帳二十載學規嚴肅以誠懇誘後進有王伯厚遺風後以優貢朝考授府經歷籤分吉林委署依蘭府經歷嗣充巡警局長民國三年由司法部任命爲延吉地方審判廳書記官長均克盡職十年正月卒於官年六十一

趙俊升 字秀臣邑北柳河子人父光壁邑諸生俊升幼承家學復受業於崔秀峰趙海峰兩先生學業大進爲文氣勢浩瀚有古大家風年二十八領鄉薦次年聯捷成進士殿試主事籤分戶部以母老不遠遊遂淡於仕進家居養親母歿哀毀逾禮尋卒

王申錫 字訓亭因慕信陵君之爲人別號慕信邑東南海龍川人由歲貢生考盛京宗室學漢教習期滿引見以知縣用時宦途惡濁承父命不仕祇爲親請封典誼吉受賀戚友咸集中錫捧冠服進堂上父曰我習於布衣冠服胡爲鄉不御申錫長跪堅請始一服觀者動容父督子嚴稍不如意輒厲聲呵斥申錫屏息使聽不敢違申錫剛直任俠尚義某歲赴京鄉試歸道天津因船店勒扣船資羈士子二百餘人數日不得渡申錫倡偕同人赴洋行與英人抗辯並訴諸海關及道署卒得直懲某船店英人道歉特備商船送諸人返營口其在官學時學使延茂知其能後任吉林將軍手書特聘申錫承父志終不往家居務農復廣購羣書延師課子姪傳成名申錫性慈善好施與每值



歲議必捐資發粟賑救災黎初中錫教授官學時有某宗室子幼孤貧幾不自存申錫分館穀周恤之後三十年申錫子慎卿因事繫獄時某宗室子已顯貴極力營救始得釋又游揚於奉省當路使登仕版皆申錫厚德之所貽也庚子拳亂地方不靖申錫聯東南各屯爲十五牌互保治安壬寅正月卒年五十三集有小學韻語梓行晚年著却餘吟草寄慨尤深

王秉鉞 字佐卿邑東河魚溝人性倜儻磊落不羈壯歲棄筆走東瀛與彼都人士遊因矚日語甲辰之役從日軍歸國於交涉事件多所贊畫當道知其能擢陞北路觀察使年四十餘卒

劉清書 邑西北大莫屯人父振唐官盛京內務府堂主事清書兄弟五人大居仲幼讀詩書壯習吏事由筆帖式保陞知縣投効吉林先後署理長壽縣三次光緒二十七年初任縣事時當拳匪亂後俄兵未退舌人某包庇土匪蹂躪鄉民人皆銜恨清書據理交涉捕舌人置諸法由是匪人斂跡民賴以安清書爲政以德愛民如子而尤以興文教育人才爲急務邑有文童孫文敷縣試冠軍未考院而停科令下清書旣愛其才又惜其遇資遣出洋留學歸國後卒能學成致用民國十八年文敷遊官海邑適清書解組家居相見之下懽若平生而文敷猶時深知己之感執弟子禮甚謹清書晚歲樂道閉戶潛修年七十卒

秦玉璞 字幌亭城內人東髮受書天資英敏弱冠後補博士弟子員後被舉爲他山書院紳董光緒三十二年考職得巡檢時海城初立學堂玉璞多所贊畫邑侯管鳳蘇委充師範學堂監院兼勸學所學董任事數年勤勞卓著宣統二年城鎮鄉自治會成立玉璞被舉爲城廂議事會議長初縣署征收地糧銀圓折價（時價每圓七千征收按

五千八百文作價餘數盡歸中飽。民甚苦之。王璣聯合鄉鎮議董兩會赴省請願說明。向來征收積弊並引御史蕭丙炎剔除征收積弊奏案作證。東督錫良派員查實。遂允其請。數十年積弊以除。閭閻人民稱快。辛亥武昌起義波及東省。黨人謀起事。縣城岌岌可危。王璣不避險難。出爲調解。城賴以安。民國元年被舉爲臨時省議會議員。及正式省議會成立。又被互選爲副議長。民國九年任鐵法稅捐局局長。在任八年。收數遞增。十八年調任遼康稅捐局局長。一年解職。又充本溪湖煤鐵公司配給所主任。二十年辭職歸里。卒年六十四。

侯治平 字正修。邑南溫家溝人。父廷棟。優附。生治平。少承庭訓。成學最早。弱冠入邑庠。才名藉甚。光緒丙午科考取優貢。朝考二等。授直隸州判。尋考入北京國立大學校文科畢業。宣統初署理長白縣知縣。其地中外雜居。素稱難治。治平在任七閱月。即解職。民國四年任黑龍江實業廳第一科科長代理廳長。次年充奉天省議會秘書長。國務院存記。簡任職年四十八。卒。子宗濂。醫學博士。

楊鴻鎮 字仲翹。邑西南大威王寨人。祖肇懋。從父綜清。兄鴻儀。俱官守。令世代營繕。爲鄉里望族。鴻鎮束髮受書。積學未售。光緒十三年考取詹事府供事。咨送國史館當差。十八年國史館長編總檔告成。議叙一等。以府經歷。雙月選用。歷充安徽烏溪鳳凰頭等處釐金局差。二十六年投効武衛左軍直隸提督馬玉崑。委辦支發營務處等差。二十八年七月以隨扈防晉剿匪有功。奏保免補本班。以知縣分發山東補用。宣統元年天津分巡道齊耀琳委辦天津新海河工程地畝事宜。三年二月請假回籍。民國五年奉天財政廳廳長王永江委充輯臨稅捐局局長。在任十年。收數驟增。豪保以荐任。職存記。鴻鎮辦稅嚴而不苛。剔除積弊。化私爲公。兩縣商民頌聲載道。十五年全境商民



爲辦十周紀念贈匾數事逾年因病辭職尋卒六十四

楊嘉蔭 字樹棠邑南雙廟子人父雨之歲貢生嘉蔭幼承庭訓學有淵源後從名師趙中鵠受業文藝精進年二十五補博士弟子員尋食廩貢明經例選廣文不就庚子之亂邑紳任韶年創辦團練嘉蔭多所贊畫後在析木城辦理保甲事務宣統三年海城縣議會成立嘉蔭被選爲議員凡所建白皆切中時事及自治停辦又在預警辦事處擔任文牘民國十一年熱河財政廳廳長榮駿聲調委平泉縣稅捐局長未幾直奉戰起繞道回奉又歷充延吉和龍等縣稅捐局局長十五年解職歸大同元年卒嘉蔭持身清白潔已奉公歷充稅差均未久於其任故身後家境蕭條聞者咸爲扼腕云

崔榮麟 字玉書邑東戴千戶屯人性靜默多智謀幼從名師祝錫三遊積學未售光緒二十三年趙孝廉子藩充吉林靖邊軍營務處總理榮麟與有戚誼遂往投効歷充委員書記等差因辦事出力蒙保以筆帖式補用三十二年任北洋陸軍第一鎮書記官民國元年出征孝感應援前敵保陞主事五年從賊致平司令入閩充漳汀鎮守使署書記官以功遞保荐任職分省任用及簡任職存記兼閩軍總司令部秘書贊襄軍務領畫時多尋委署同安縣知事地方庶政必親自處理在任年餘以事變解職遂回籍晚歲家居專心研道靜坐誦經寒暑無間年六十四卒

李宗德 字達三邑東梧樹屯人山北洋陸軍經理學堂畢業歷充陸軍部一等副官邊防軍第一師軍需處長歸綏財政廳科長東三省陸軍第一師副官長授一等軍需正宗德少與李景林同學交莫逆民國十五年景林任直隸督軍調宗德至軍署參預機務凡治兵理財諸事悉以咨之宗德亦精心代爲籌畫不數月因勞致疾而歿景林痛

哭如失左右手親書頌我良佐匾額懸之靈次

姜得春

字雨田邑西南西糧富人性亢爽有膽識少習商業甲午之役充本城糧商復泰號副經理臨難臨財均無

所荷號東郭之積甚重其人未幾正經理出號遂以得春繼其任光緒三十二年本城創設商會得春被舉爲總理邑令管鳳蘇偉其才深器之逾年鳳蘇移治新民清理零集銀行事務調得春董其事民國初年充奉天興業銀行總稽覈尋擢會辦又歷充官銀號會辦邊業銀行總理財政顧問等差特給二等大綬嘉禾章得春天性純厚待人以誠恤濟貧乏汲引後進吾邑人士蒙其瞻植身膺要職者不乏其人至於捐金興學嘉惠鄉里諸事尤不堪枚舉焉民國十八年卒年六十一

王銘紳

字運生邑西牛莊人天資穎異少從進士樊駿聲受學以清末變法停科舉與弟銘鼎同入奉天法政學堂

學習法律宣統三年畢業歷充延吉地方審判廳典簿延吉六道溝（龍井村）初級審判廳推事吉林高等審判廳推事民國三年陞任延吉地方審判廳長以考績爲全省各廳冠給予五等嘉禾章司法部給予一等金質鐸章八年調署和龍縣知事十一年辭職改就熱河財政廳科長未幾熱河政變復歸吉林任依蘭縣高等分廳監督推事十七年調任濱江地方法院院長十八年以屬下推檢舞弊坐失察免職事變之際盜賊蜂起牛莊屢被蹂躪銘紳與李葆田面請縣長參事官招撫匪首林國政組織治安維持會後設計擒獲渠魁從匪繳械地方賴以安謐至今商民猶稱道弗衰

范先炬

字朗青別號恒應孝廉方正懋祺子也幼承庭訓成學最早年十五能遍誦六經尤喜讀資治通鑑及左氏

傳初習制藝不甚愜意爲文理致深厚不著尋章摘句之學甲辰役後海城師範學堂成立先炬肄業一年即考升奉天優級師範數理化選科三年畢業名列第一北京覆試又冠軍授師範科舉人歷任海城師範學校校長奉天兩級師範學校數理化學教習錦縣省立第四師範學校校長乙未被選爲奉天省第二屆省議會議員嗣充第三屆省議會議長第四屆省議會議長全國省議會聯合會議長先後據議席者九年遇事敢言不畏強禦民國十六年擢昌圖縣稅捐局長任事二年解職滿洲建國後充奉天省社會事業聯合會會員萬國道德會奉天總分會名譽會長奉天孔學會理事康德元年冬卒年五十三所著有代數釋題六卷幾何釋題四卷微積分筆記二卷物理問答四卷化學問答三卷藏陵待梓子二長傳講農林學校畢業次傳坊滿洲醫科大學畢業

于在藻

字湘巖邑西哈巴臺人（現劃歸營口縣界）光緒癸卯科舉人援例報捐郎中籤分兵部鼎革後回籍民國

初任營口南路觀察使署科員友人某與營口某警察署長有隙被誣陷身囹圄在藻亦被株連經訟年餘始解尋任洮遼鎮守使署秘書在蕙博學能文章工詩善書法文學爲遼南第一在鎮署數年感國事日非痛內爭之不息遂浩然挂冠而歸所作遼源雜感有可憐十萬橫磨劍不聽人間疾苦聲之句寄慨尤深晚歲家居督子弟課農桑閒戶酒修不問世事年六十餘卒生平述作甚多卒後遺稿散失

田解

一名光天字可淑上栗子園人天津北洋法政學校畢業民國二年任直隸樂亭縣知縣在任二年多惠政臨

去父老輩囑解亦憲憲不忍去民國五年充吉林文海署蒙森林局秘書尋遷民政廳第四科科长辦事勤勞瀾於公暇歷任長官皆器重之年四十四卒於吉林差次

王慎卿 字祐辰邑南海龍川人父申錫歲貢盛京宗室官學漢教習庭訓素嚴子弟讀書必聘名師訓迪慎卿幼穎悟嗜學年十五通六經工制藝善詩賦每一藝出長老皆驚歎以爲奇才年二十四補博士弟子員歷充本邑縣議會議員保甲辦事處文牘縣公署秘書奉天省立中學校國文教習事變後解職歸里村人某甲乘亂設花會以圖漁利縣令保甲往捕某甲求慎卿出爲關說致起衝突遂被逮繫獄兩月慎卿深自悔過毫無怨尤父門人宗室某時居顯職力爲營救乃得省釋奉天省長臧式毅知其才委充新民縣縣長在任二年政聲卓著慎卿體素羸加以公務煩劇疾遂篤康德二年八月卒於官年五十六

李景梅 邑西朱家窪子人狀貌魁梧武力絕倫道光年武進士授御前侍衛性鯁直供職數年中官多忌之屢謀危害因辭官而歸後數年卒

丁國相 字爾功邑西青台子人軀幹魁偉膂力過人咸豐戊午武舉同治癸亥武進士殿試授御前侍衛數年辭歸優游林下以武術授徒從學者甚衆間與野老話桑麻深得田家風味年七十三卒

高元朗 字子明邑北新台子人隸漢軍旗性爽直善詩歌尤熟史鑑由制兵起家歷任領催驍騎校佐領協領光緒七年遷副都統任海龍城總管治軍賞罰分明待民仁厚頗有政聲光緒某年卒

高萬梅 字魁一邑東南炒鉄河人隸漢軍旗由馬甲歷陞佐協等官任洵鹿總管後署金州副都統卒於奉天寓次

叢登甲 邑南環珞山人性剛正勇於任事由制兵起家陞至防守尉同治五年馬賊攻牛莊防守尉毓昌倉皇出走

城遂陷事後統昌擬職登甲嶺篆甫澈任即縉甲兵精訓練禁賭博清盜源遇豪猾嚴懲不貸地方肅清人民安堵  
越三年以晉陞協領去官父老誦其功德嘗感歎不置焉

韓寶臣 邑東北玉白莊屯人光緒間任盛京蒙古鑲白旗佐領事蹟未詳

房寶璽 字玉堂邑西南蓋家屯人同治癸酉科武舉光緒丁丑科會試不第揀選三等衛千總由兵部選授直隸天津府左所領運千總庚子亂後解職歸里尋充奉天警務學堂教習未幾卒

## 文學

清

王仁傑 縣境人康熙丙子舉人大挑候選知縣嫺於古文氣機流暢一時碑銘傳誌多出其手所撰縣城大南門外八蟠嗣碑及城東南茅兒寺繪嶺銜泉碑尤膾炙人口

鄭鍾 縣境人乾隆丁酉科拔貢嫺詞賦善書法爲邑名宿學者宗之

劉魁 縣城內人乾隆某科優貢朝考授教職任直隸大名縣訓導教化大行

劉柄 邑南佛爺溝人乾隆間歲貢溫文儒雅爲一方碩士勤學敦品設帳課徒無事片紙不入公門至今鄉老猶有稱之者

劉敦倫 邑北教軍場人乾隆間恩貢學品純粹尤精易學嘉慶九年主講他山書院我邑文風因以丕振子汝亨邑庠生孫可訓亦業儒

董琪樹 字玉林邑西安家堡（即安村堡）人早歲遊泮精四音尤邃於易以理學著聞爲文拔俗脫帖括氣一時學子咸宗之進士羅家淦修炳麟皆其高足弟子平生敦孝行尙友愛吟詩有讀盡五車書孝弟而已矣之句以風勵世人讀書具隻眼喜著述有古文詞律絕詩歌中庸說河圖說先後天說孟子論文若干篇因先世董子仲舒閣名繁露遂以二字名其文集梓板行世年八十卒子文朗邑庠生

劉廣濤 邑北白廟子人嘉慶間拔貢設帳千山無量觀其學以六經古文爲根柢遼陽王太史爾烈早從受業深得其傳後爾烈充侍講官所得庫書必歸廣濤一份故劉氏家藏庫籍最多子榮春學識淵博孫克家克猷俱諸生曾孫際和亦入邑庠甲午亂後迭遭兵燹藏書蕩然家亦式微

李之蛟 字龍飛城內人歲貢生經術宏通書法超逸性慈善好施與遇有貧乏輒周恤之邑令胡從賢素重其人康熙四十六年詳請大府頒給海邦善士匾額

王德泰 邑東王石頭堡人嘉慶間舉人詩賦銘誄簡老冠時

趙德森 縣境人乾隆己酉拔貢爲文簡潔入古長於傳記

李岱 字嶽瞻城北張胡台人邑庠生監修文廟勞勩卓著博通經史爲我邑北方儒學先導

朱讓 字允恭城南朱家屯有明宗室或曰宋徽國文公之裔博學能文弱冠遊泮隱居不仕課徒四十餘年郝明府鍾麟其高弟也年八十九卒

王鴻業 字耀東邑南虎莊屯人邑庠生博學能文樂善不倦二子元志元善先後成進士俱官知縣



王朝文 字酉峰城內人拔貢生性骨鯁書法筆力道健自其爲人著四字鑑略一書頗便初學晚年擅岐黃術施方療疾而不取資著醫書數卷未付梓而卒子作綸亦明經有學行

孟德成 字立堂城南葫蘆峪人歲貢生平生著道德崇實學不尚詞華與鄰村盧韓兩氏結通家好累代詩書率得其傳晚歲家居與老妻對坐忽自言曰余於某日數當死促爲料理後事妻以其言妄置之然默中亦略爲預備至日冠帶臥牀上家人環伺門人盧從訓聞其異謁榻前呼問曰蘭亭序篇內奧旨悉明乎對曰未也爲從首至尾一一講解畢向衆言曰無戀戀余夢道去也遂逝時村人某由城歸至龍台舖村南見有輿蓋煥赫驕從夾道風行而來者竊謂何處貴官儀衛之盛若此比近視之則輿中端坐者德成也方欲展問倏忽已杳至家知其已卒咸咤異之

孟海樓 字仙洲邑南土台子人附生熟於掌故尤精易理晚年爲諸生講經入帳聽講者恒數十人

李光文 字載道號富然邑西南大盛王寨人縣學生員有學品以詩禮傳家爲一方士族之望

李光耀 字應質文庠生與兄光文同案入泮時稱韓家父子李氏弟兄

李光輝 字充實光耀弟也歲貢生候補訓導淵源家學品行素敦未仕卒

李天一 字象乾號廉泉光文次子自承庭訓早歲入泮旋選明經以訓導用爲人心地慈善平生喜閱先賢語錄及

因果善書常誦演以警後人又善詩歌多可傳誦者

李翰一 字西園光耀長子文庠生幼承家訓品學俱優爲士林推重

李寶田 原名德一字硯農光耀三子邑庠生覺羅官學教習以教授用未仕卒

李錦堂 字芝庭號紹天歲貢生天一次子設帳於臺甲山雙陽寺等處一時遼海科第中人多出其門性好善見義

勇爲光緒十四年河西水災民大饑籌辦賑務勸設粥場全活災黎無算

李和一 字陶山居大感王寨文庠生講學授徒門下多知名士爲一時宿儒

李松年 字秀叔號菊鄰相一子金印從弟也歲貢生候選教諭工詩歌善書法隱居不仕以講學授徒終

韓秉道 字宗魯城南鄧家台人歲貢生工夫深純有手批高頭四書講義高頭七經講義並著詞賦韻言諸書

韓述公 字望選城南鄧家台人歲貢生設帳遼海兩縣學規嚴肅講解明通進士廟家淦爲其高足弟子

韓志古 字香圃鄧家台人歲貢生選用吉林賓州教諭因告疾辭未就任家居力學書法經義講解皆優

韓光璧 字五樓邑南鄧家台人恩貢生文章詩賦頗負時譽他山課士草其文藝有登錄者

韓光煜 字熙亭邑南鄧家台人歲貢生鄉闈取中膳錄官校考監京覺羅左翼官學漢教習文名頗盛

韓光琦 字玉峰邑南鄧家台人天資聰穎才氣過人年十二應童子試十九歲以縣試第一人入泮嗣從舉人周儒

受業學益進三試棘闈不第遂淡於進取年五十餘卒弟光恩亦邑諸生

周儒 字怡園邑西南蓋家屯人性沈重寡言笑鬚齡入邑庠文有英氣爲學使所賞拔同治丁卯科舉於鄉主講奉

天萃升書院二十餘年門下綴巍科致通顯者甚多庚子亂歸里尋卒

周儒 字聘園周儒之弟由拔貢中同治某科舉人才氣過人所作制藝爲一時學子所誦法設帳授徒又迭主遼陽

海城書院講席未仕卒僖儒兄弟皆舉人從子夢齡海齡俱諸生

王日章 字雪窗邑西小碼頭人歲貢生父守金山東黃縣諸生日章性誠實幼承庭訓篤於學遂爲一邑名宿設帳半生成材甚衆尤工詩有和呂祖降乩應字詩三十首爲一時所傳誦

王獻章 字瑞圖日章弟歲貢生學問文章俱有根抵善講四子書引証經義層出不竭當時經學我邑推王氏爲第

一

王恩甲 字冠廷獻章三子幼承庭訓成學最早年十七父歿設童子帳以自給父門人丁鶴年館於鄰村恩甲課餘輒往講業因而文思大進弱冠入泮年二十八舉於鄉受知於邑侯張芷生延至署中課讀後主講本城他山書院月課衡文精細士林咸服晚歲家居布衣脫粟日督僮僕操作孜孜不息嘗曰大禹聖人惜陰陶侃賢者惜分陰吾輩不及古人敢暇逸乎得間與農老講求治安鄉人賴之年逾七十卒

王耆齡 字洛橋邑西南祥永泡人性誠篤貌莊嚴幼孤事母至孝同治壬戌舉人候選知縣設帳講學有年又主講蓋平辰州書院其訓士尚品行重禮儀校規極嚴誨魯鈍者尤諄諄不倦以是從學者日衆成材亦日多村東爲南北通衢有水一渠夏時積潦輒泛溢不可渡耆齡募捐修石橋以便往來又用修橋餘資創立義倉義學規畫完備請准備案以期行諸久遠潘佐階大令重其人親書墨額匾額以旌其門年七十四卒

閻中剛 字蘭圃邑西藍旗堡人天性誠篤魯而好學終年兀兀不倦年逾三十始博一衿赴試秋闈十餘次志終不懈卒中同治丁卯科舉人生平重禮法與妻葛氏相敬如賓有梁孟遺風年八十卒